



UNIVERSITÄTS-  
BIBLIOTHEK  
PADERBORN

**SANCTI|| IOANNIS|| DAMASCENI OPERA,||**

**Johannes <Damascenus>**

**Parisiis, 1577**

De consilio & admonitione mala. cap. lxxvii.

---

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

cor tuum custodiat. Longitudinem enim dierum, & annos vitæ, & pacem appo-  
nent tibi. Fili, ne deficias: serua consilium meum & cogitationem: vt viuat ani-  
ma tua, & gratia sit collo tuo, & sanitas carni tuæ, & cura ossibus tuis. Tu enim am-  
bulabis fiducialiter in via tua, & pes tuus non impinget. Si dormieris, non time-  
bis: quiesces, & suavis erit somnus tuus. Non pauebis repentino timore: & irru-  
entes tibi potentias impiorum. Dominus enim erit à latere tuo: & custodiet pedem  
tuum, ne capiaris.

De consilio &amp; admonitione mala.

CAP. LXXVII.

Iob. 2.



ULTO autem exacto tempore dixit ad Iob vxor eius: Vsq[ue]  
quò tolerabis, dicens, Ecce expecto adhuc paulum temporis  
sp[er]e salutis meæ? Ecce deleta est memoria tua de terra. Filij tui,  
& filia, ventris mei dolores, quos in vanum laboravi cū arum-  
nis. Tu autem sedes in stercore vermium, pernōctans sub dio.  
Et ego vaga & famula, locum ex loco, & domum ex domo  
prateriens, expectans Solem quando occidat, vt requiescam à  
laboribus & doloribus, qui me nunc premunt. At dic aliquod verbum aduersus  
Dominum, & morere. Ille autem intuitus eam, dixit: Quasi vna de stultis mu-  
lieribus locuta es. Si bona suscepimus de manu Domini, mala quare non susti-  
neamus?

Pro.

Malus obtemperabit linguis iniquorum. Fili, non te apprehédat consilium  
malum: Fili, si te lactauerint peccatores, ne acquiescas eis. Si dixerint, Veni no-  
biscum, insidiemur sanguini, abscondamus tendiculas contra infontem frustra:  
deglutiamus eum sicut infernus viuentem, & integrum quasi descendentem in  
lacum. Omnem substantiam pretiosam reperiemus, implebimus domos nostras  
spoliis. Sortem mitte nobiscum, marsupium vnum sit omnium nostrum. Fili mi,  
ne ambules cum eis: prohibe pedem tuum à semitis eorum. Pedes enim illorum  
ad malum currunt, & festinant, vt effundant sanguinem. Frustrà autem iacitur  
rete ante oculos pennatorum.

2. Reg. 10.

Factum est autem post hæc, vt moreretur rex filiorum Ammon, & regnauit  
Hanon filius eius pro eo. Dixitque Dauid, Faciam misericordiam cum Hanon  
filio Naas, sicut fecit pater eius mecum misericordiam. Misit ergo Dauid, conso-  
lans eum per seruos suos super patris interitu. Cùm autem venissent serui Dauid  
in terram filiorum Ammon, dixerunt principes filiorum Ammon ad Hanon  
dominum suum, Putas quòd propter honorem patris tui miserit Dauid ad te  
consolatore: & non ideo vt inuestigaret & exploraret ciuitatem, & euerteret eam?  
Tulit itaque Hanon seruos Dauid, rasitque dimidiam partem barbæ eorum, &  
præscidit vestes eorum medias vsque ad nates, & dimisit eos.

Scholium

Hanon iniquo seruorum suorum consilio obsecutus, legatisque Dauidis per barbarum

Damasc. ac vestium ademptionem contumelia affectis, patriam ac regnum amisit.

2. Reg. 13.

Erat Amnon amicus, nomine Ionadab, vir prudens valde. Qui dixit ad eum,  
Quare sit attenuaris macie, fili regis, per singulos dies? cur non indicas mihi? Di-  
xitque ei Amnon, Thamar sororem fratris mei Absalom amo. Cui respondit  
Ionadab, Cuba super lectum tuum, & languorem simula: cùmque venerit pater  
tuus vt visitet te, dic ei, Veniat oro Thamar foror mea, vt det mihi cibum, & fa-  
ciat pulmentum, vt comedam de manu eius.

Scholium

Consilium Ionadab Ammoni pestiferum fuit. Hunc enim frater obruncavit,

Damas.

Basil.

Act. 5.

Cùm quidpiam ab aliquo nobis imperatur, quod cum Dei præcepto pugnet, illudque la-  
befactet aut contaminet, tum dicere tempestiuum est, Obedire oportet Deo magis quam ho-  
minibus, illud videlicet in memoria habentes, quod Christus dicebat, Alienam autem  
non sequuntur, quia nesciunt vocem alienorum: atque item illud quod Apostolus, cau-  
tionis

Io. 10.

**A** tionis nostrae gratia ipsos quoque angelos perstringere ausus, dixit, his verbis utens, Licet nos, aut angelus de caelo euangelizet vobis praterquam quod euangelizauimus vobis, anathema sit. Quibus ex verbis discimus, quod quamlibet charus, ac singulari quadam nominis fama conspicuus sit is qui prohibet, execrationi tamen esse debet vnicuique eorum qui Dei amore praediti sunt.

De circumactione.

CAP. LXXVIII.

**B** VM liber essem ex omnibus, omnium me seruum feci, vt omnes lucrifacerem. Et factus sum Iudaeis tanquam Iudaeus, vt Iudaeos lucrifacerem: iis qui sub lege sunt, quasi sub lege essem (cum ipse non essem sub lege) vt eos, qui sub lege erant, lucrifacerem: iis qui sine lege erant, tanquam sine lege essem (cum sine Dei lege non essem, sed in lege essem Christi) vt lucrifacerem eos qui sine lege erant. Omnibus omnia factus sum, vt omnes facerem saluos.

Qui per domum suam non se circumfert, possidebit ventos.

Pro. 11.

De sancta cruce.

CAP. LXXIX.

**C** EDISTI metuentibus te significatione, vt fugiant a facie arcus. Manifesti erunt qui obfignant Legem, ne dicant. Dixit Dominus ad virum qui indutus erat lineis: Signa Thau super frontes virorum gementium & dolentium super cunctis abominationibus, quae fiunt in medio Hierusalem. Et transite per mediam ciuitatem, & percutite: non parcat oculus vester, neque misereamini, Senem, adolescentulum & virginem, paruulos & mulieres interficite vsque ad internecionem: omnem autem, super quem videritis Thau, non interficite.

Si quid passus est Christus, non sua, nec Patris causa passus est: sed vt humano generi salutem compararet. Ac si tibi cordi est, vir charissime, vim crucis per se habere:

**D** audi. Crux Christianorum spes est, crux caecorum dux, crux errantium via, crux claudorum baculus, crux pauperum consolatio, crux diuitum frenum, crux superbiorum atque insolentium deiectio, crux trophaeum aduersus daemones, crux aduersus diabolum victoria, crux egentium copia, crux desperatorum spes, crux mortuorum resurrectio, crux nauigantium gubernatrix, crux tempestate iactatorum portus, crux oppugnantium murus, crux orphanorum mater, crux viduarum patrona, crux iniquorum iudex, crux oppressorum recreatio, crux paruulorum custos, crux in tenebris sedentium lumen, crux seruorum libertas, crux monachorum studium & exercitatio, crux virginum pudicitia, crux sacerdotum gaudium, crux Ecclesiae fundamentum, crux esurientium panis, crux sitientium fons, crux nudorum integumentum.

**E** Quoniam Satanas primum hominem per lignum interemit, idcirco Dominus humanitate indutus per crucis lignum effecit, vt diabolus humanis pedibus tereretur. Quicumque enim crucis signum habent, ipsius vim proculcant.

Cum ad bellum proficisceris, atque hostem tuum gladios aduersum te acuentem cernis, tu nihil eiusmodi tecum effer: sed crucis signum in pectore tuo atque in fronte tua habe, atque aduersus eum progredere, his verbis utens, Hi in curribus, & hi in equis: nos autem in nomine Dei nostri inuocabimus. Ac videbis illa omnia palearum instar dilapsura, te vero excitatum & erectum iri. Praedixit enim Dauid de crucis signo, Dediisti metuentibus te significationem, vt fugiant a facie arcus. Quodnam porro aliud signum nobis donauit, quam crucis mysterium? Hoc signo muri disturbantur, hostes tanquam foenum prosteruntur, daemones in fugam aguntur. Denique omnia crucis signo, ob eius qui cruci affixus est potentiam, subijciuntur.